

STJÓRNARTÍÐINDI B 24 – 1990

Nr. 172

458

17. apríl 1990

SAMÞYKKT

um sorphreinsun í Austur-Eyjafjallahreppi.

1. gr.

Austur-Eyjafjallahreppur, annast eða býður út alla sorphreinsun innan marka sveitarfélagsins, samkvæmt ákvæðum þessarar samþykktar. Sorphreinsun fer fram undir yfirstjórn sveitarstjórnar og eftirliti heilbrigðisnefndar.

2. gr.

Sérhver íbúðarhafi í Austur-Eyjafjallahreppi er skyldugur að nota þær aðferðir og ílát við sorphreinsun sem sveitarstjórn ákveður. Sorpgeymslur skulu vera aðgengilegar fyrir sorp-hirðumenn og húseigendur skulu hreinsa snjó frá sorpgeymslum og halda greiðfærri leið að þeim svo auðvelt sé að framkvæma hreinsun.

3. gr.

Húseigendur skulu kosta kaup sorpgeymsluskápa sinna og viðhald þeirra og ber að sjá um að þeir séu jafnan í góðu ásigkomulagi. Hverju húsi skal fylgja a.m.k. eitt ílát fyrir hverja íbúð. Húseiganda ber að skipta um poka fyllist þeir milli tæminga og ganga þannig frá þeim að sorp hrynji ekki úr þeim.

4. gr.

Sorphreinsunarmenn annast hreinsun á öllu sorpi sem er í pokum, einnig tilfallandi eðlilegum úrgangi, svo sem umbúðum af heimilistækjum og hlutum sem rúmast illa í pokum, enda séu þeir auðveldir í meðförum fyrir einn mann. Í sorppoka má setja allt venjulegt heimilissorp. Ekki má setja í sorppoka mold, mól, grjót, byggingarsorp o.þ.h. Á sama hátt má ekki setja eldfima vökva í sorppoka, eyðing á þeim skal fara fram undir eftirliti heilbrigðisnefndar. Glerbrotum og öðrum oddhvössum hlutum sem hætta er á að rífi pokana, skal pakkað eða gengið frá á annan tryggilegan hátt. Pokar mega ekki vera þyngri en svo að auðvelt sé að meðhöndla þá og ekki sé hætta á að þeir rifni. Gæta þarf þess að fylla ekki sorppoka meira en svo að auðveldlega megi loka þeim.

5. gr.

Sorphreinsun fer að jafnaði fram vikulega. Austur-Eyjafjallahreppur leggur til einn til tvo sorppoka fyrir hverja íbúð við hverja hreinsun. Aukapoka má fá keypta hjá sveitarfélaginu.

6. gr.

Allt umfangsmeira sorp svo sem frá byggingum, bílhrae og allt brotajárn, skal hver hlutaðeigandi fjarlægja á eigin kostnað á ákveðið afmarkað svæði samkvæmt nánari fyrirmælum sveitarstjórnar og heilbrigðisnefndar. Við flutning á hvers konar sorpi, úrgangi, jarðefnum og öðrum lausum efnum skal þess gætt, að þannig sé um flutningana bóúð að eigi sé hætta á að fjúki eða falli af flutningatæki.

7. gr.

Allur kosnaður við sorphirðu venjulegs húsasorps greiðist af sveitarsjóði. Þó skal sveitarstjórn heimilt að leggja á árlegt sorphreinsunargjald í sérstakri gjaldskrá sem heilbrigðisráðherra staðfestir og innheimtist með fasteignagjöldum. Fyrir hverja íbúð skal greiða eitt sorphreinsunargjald á ári, en hálf gjald fyrir hvern sumarbústað. Fjöldi hreinsunargjalda fyrir opinberar byggingar og þjónustufyrirtæki skal fara eftir mati á umfangi sorphreinsunar frá þessum stöðum. Mat þetta annast sveitarstjórn.

8. gr.

Hafi húsráðandi kvörtun fram að færa vegna sorphirðunnar, skal hann koma slíkri kvörtun til sveitarstjórnar.

9. gr.

Brjótí húsráðandi ákvæði samþykktar þessarar um meðferð og geymslu á sorpi, skulu sorphirðumenn tilkynna það sveitarstjórn eða heilbrigðisnefnd sem gangast þá í því að úr verði bætt. Sorphreinsunarmönnum er óheimilt að hnýsast í sorppoka.

10. gr.

Með brot á samþykkt þessari skal farið samkvæmt lögum nr. 81/1988, um hollustuhætti og heilbrigðiseftirlit.

11. gr.

Ofangreind samþykkt hreppsnefndar Austur-Eyjafjallahrepps staðfestist hér með samkvæmt 22. gr. laga nr. 81/1988, um hollustuhætti og heilbrigðiseftirlit, til þess að öðlast gildi 1. maí 1990.

Ákvæði til bráðabirgða.

Húseigendur í Austur-Eyjafjallahreppi skulu útvega sér flát fyrir sorppoka sem allra fyrst í samræmi við 3. gr. og eigi síðar en 15. maí 1990.

Heilbrigðis- og tryggingamálaráðuneytið, 17. apríl 1990.

Guðmundur Bjarnason.

Dögg Pálsdóttir.

GJALDSKRÁ

fyrir sorphreinsun í Austur-Eyjafjallahreppi árið 1990.

1. gr.

Upphæð sorphreinsunargjalds í Austur-Eyjafjallahreppi fyrir árið 1990 skal vera kr. 3 350, sbr. 8. gr. samþykktar um sorphreinsun nr. 172/1990. Gjaldið skal innheimtast með fasteignagjöldum.

2. gr.

Gjaldskrá þessi, sem samin er af hreppsnefnd Austur-Eyjafjallahrepps, staðfestist hér með skv. 22. gr. laga nr. 81/1988, um hollustuhætti og heilbrigðiseftirlit.

Heilbrigðis- og tryggingamálaráðuneytið, 17. apríl 1990.

Guðmundur Bjarnason.

Dögg Pálsdóttir.